

Na osnovu Pravilnika o načinu ostvarivanja prava iz obaveznog zdravstvenog osiguranja ("Službene novine Federacije BiH", br. 31/02 i 20/19), i Odluke o listama lijekova Kantona Broj 17 - Strana 166 Sarajevo ("Službene novine Kantona Sarajevo", br. 52/24 i 16/25, 24/25 i 1/26), a po prijedlogu Komisije za odobravanje refundacije skupih Covid lijekova i lijekova koji nisu obuhvaćeni Listom lijekova Kantona Sarajevo, imenovane Rješenjem Ministarstva zdravstva Kantona Sarajevo 17.02.2025. godine, ministar Ministarstva zdravstva Kantona Sarajevo, d o n o s i

## **PRAVILNIK**

### **O STAVLJANJU VAN SNAGE PREČIŠĆENOG TEKSTA PRAVILNIKA O PRIZNAVANJU TROŠKOVA NABAVKE SKUPIH COVID LIJEKOVA I LIJEKOVA KOJI NISU OBUHVAĆENI LISTOM LIJEKOVA KANTONA SARAJEVO**

#### **Član 1.**

Stavlja se van snage Prečišćeni tekst Pravilnika o priznavanju troškova nabavke skupih COVID lijekova i lijekova koji nisu obuhvaćeni listom lijekova Kantona Sarajevo broj: 10-33-18006-22/21 od april 26.2022.godine.

#### **Član 2.**

Ovaj Pravilnik stupa na snagu danom donošenja i biće objavljen na web stranici Ministarstva zdravstva Kantona Sarajevo <http://mz.ks.gov.ba>.

Broj: 10-02-27275/26

Sarajevo, maj 14. 2026. godine



**MINISTAR**

**Prim. mr sci, dr med. Enis Hasanović**

## O b r a z l o ž e n j e

Ministarstvo zdravstva Kantona Sarajevo je na osnovu Pravilnika o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova ("Službene novine Federacije BiH" br. 45/13 i 7/19), člana 38a. Pravilnika o načinu ostvarivanja prava iz obaveznog zdravstvenog osiguranja (Službene novine FBiH, br. 31/02 i 21/19) i tačke II Odluke o listi lijekova Kantona Sarajevo ("Službene novine Kantona Sarajevo" br. 43/18 i 48/18), a po prijedlogu Komisija za odobravanje refundacije skupih Covid lijekova i lijekova koji nisu obuhvaćeni Listom lijekova Kantona Sarajevo, imenovane Rješenjem Ministarstva zdravstva Kantona Sarajevo od 19.04.2021. godine, donijelo je Pravilnik o priznavanju troškova nabavke skupih COVID lijekova i lijekova koji nisu obuhvaćeni listom lijekova Kantona Sarajevo broj: 10-33-18006-4/21 od 17.05.2021. godine, Izmjene Pravilnika broj: 10-33-18006-4.1/21 od 12.07.2021. godine, i Prečišćeni tekst Pravilnika broj: 10-33-18006-22/21 od 26.04.2022. godine.

Članom 13. stav (2) Prečišćenog teksta Pravilnika, prestao je da važi Pravilnik broj: 10-33-18006-4/21 od 17.05.2021. godine, uz Izmjene Pravilnika broj: 10-33-18006-4.1/21 od 12.07.2021. godine, i isto je objavljeno na web stranici Ministarstva zdravstva Kantona Sarajevo <http://mz.ks.gov.ba>.

Upravni odbor Zavoda zdravstvenog osiguranja Kantona Sarajevo, dana 15. aprila 2026. godine, je na osnovu člana 103. stav (I) alineja 10. Zakona o zdravstvenom osiguranju Federacije Bosne i Hercegovine ("Službene novine Federacije BiH", br. 30/1997, 7/2002, 70/2008, 48/2011, 100/2014 - odluka US, 36/2018 i 61/2022), člana 38a. Pravilnika o načinu ostvarivanja prava iz obaveznog zdravstvenog osiguranja ("Službene novine Federacije BiH", br. 31/02 i 20/19), i člana 4. Odluke o listama lijekova Kantona Sarajevo, donio Odluku o priznavanju troškova nabavke lijekova koji nisu obuhvaćeni listama lijekova, kao i ostalih lijekova za specifične bolesti broj: 01/2-02-2-6867-13-1 od 15.04.2026. godine, u skladu sa svojim nadležnostima, objavljena u "Službenim novinama Kantona Sarajevo" broj 17/26, u skladu sa kojom će se pitanje priznavanja troškova nabavke lijekova koji nisu obuhvaćeni listama lijekova sada rješavati.

Shodno naprijed navedenom ovo ministarstvo je pripremio i donijelo Pravilnik o stavljanju van snage Prečišćenog teksta Pravilnika.